

元詩別裁集

掃葉山房
石印

元詩別裁集

卷之四
四
中
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

元詩別裁集卷五



姚培謙述齋

雲間張景星二銘點閱

王永祺補堂

七言律

橫波亭為青口帥賦

孤亭突兀插飛流。氣壓元龍百尺樓。萬里風濤接瀛海。千年豪傑壯山邱。疎星淡月魚龍夜。老木清霜鴻鴈秋。倚劍長歌一杯酒。浮雲西北是神州。

元好問

穎亭

穎上風煙天地迴。穎亭孤賞亦悠哉。春風碧水雙鷗靜。落日青山萬馬來。勝概銷沉幾今昔。中年登覽足悲哀。遠遊擬續騷人賦。所惜忽忽無酒杯。

被檄夜赴鄧州幕府

幕府文書烏羽輕。敝裘羸馬月三更。未能免俗私自笑。豈不懷歸官有程。十里陂塘春鴨鬧。一川桑柘晚煙平。此生只合田間老。誰遣春官識姓名。

出都

漢宮曾動伯鸞歌。事去英雄可奈何。但見觚稜上金爵。豈知荊棘臥銅駝。神仙不到秋風客。富貴空悲春夢婆。行過蘆溝重回首。鳳城平日五雲多。

寄劉繼先

清霜茅屋耿無眠。坐憶分攜一慨然。楚客登臨動歸興。謝公哀樂感中年。淒涼古驛人煙外。迤邐荒山雪意邊。千樹春風水楊柳。待君同繫晉溪船。

送樊順之

弓刀十驛岳蓮州。渭山秦山得意秋。王粲從軍正年少。庾郎入幕更風流。寒鄉况味真雞肋。清鏡功名屬虎頭。寄謝溪風亭上月。老夫乘興欲西遊。

高亭

劉因

高亭雲錦繞清流。便是吾家太一舟。山影酒搖千疊翠。雨聲窗納一天秋。襟懷灑落景長勝。雲影空明天共遊。笑向白鷗問塵世。幾人曾信有滄洲。

夏日飲山亭

借住郊園舊有緣。綠陰清晝靜中便。空鈎意釣魚亦樂。高枕臥遊山自前。露引松香來酒盞。雨催花氣潤吟牋。人來每問農桑事。考證牀頭種樹篇。

和劉朔齋海棠

牟巖

人物當今第一流。以花為屋玉為舟。曉妝未許褰幃看。夜醉何妨秉燭遊。錦里宣華思舊夢。黃州定慧起新愁。何如歸伴徐公飲。穩結一巢花上頭。

陪阮使君遊玉几

戴表元

花滿車茵酒滿船。亂雲堆裏訪枯禪。林深何處無芳草。人靜有時聞杜鵑。神屋晝飛青礧磧。靈潭陰罩赤蜿蜒。居然悟得松風夢。回首廬山二十年。

十月朔旦寄賁白兄弟

黃牛邨前秋葉飛。青螺峰外海雲歸。故人相思雪滿鬢。客子獨行風舉衣。烏鵲定占誰屋喜。鱸魚知比去年肥。當時歌酒江湖上。百里音書今亦稀。

田家雜興二首

方夔

樵路通邨暗蒹葭。數椽茅蕝護疎籬。陰陰清樾風生樹。拍拍蒼鵝水滿陂。記日旋鉏燒地粟。上時新賣落車絲。晚晴慚媿逢端午。醉臥黃昏自不知。兩兩蒼髯笑杖藜。舊裙兒女隔芭籬。斜陽鴉噪燒錢社。細雨牛眠放牧陂。酒熟十千沽玉壺。麝香三丈卷銀絲。客來偶及興亡事。說與衰翁也自知。

晚眺

依稀風景小。菴邨不欠東屯稻。菴園阿魏搗香風送響。雕胡擘玉水開痕。招邀紫翠

山當座。標撥紅黃菊上盆。世上去來俱是客。隨風吹送夢歸魂。

越州道中

熊銖

野田秋溜正潺潺。新翠喬林繞舍環。淡日凝煙橫別浦。斜風吹雨過前山。柴扉初放牛羊出。漁艇方攜蜾蜉還。自笑平生愛遊覽。天教長在水雲間。

次韻子封承之遊桃花塢

陳深

閨門行樂送韶華。閑訪城陰野老家。黃蝶得晴飛菜葉。翠禽隔浦啄桃花。衡門倒屣臨官路。古渡橫舟閣淺沙。亦有詩人時一到。醉吟行盡夕陽斜。

與師言客錢塘凡三月餘師言歸後作詩奉寄

袁易

燈花猶記別時紅。為報君歸我亦東。豈意黃塵迷瘦馬。尚淹青眼送飛鴻。羣山積雪清相射。千樹寒梅望欲空。何遜揚州才思減。試煩妙語喚春風。

春雨漫興

日日春陰祇欲眠。強尋南陌復東阡。猶殘碧樹花多少。莫惜金尊酒十千。象管烏絲題往事。玉簫錦瑟負華年。愁來祇對西山坐。卷起疎簾翠接天。江上平蕪望欲迷。江邊密雨細如絲。冥冥白晝飛花急。漠漠青林度鳥遲。春事又當三月莫。人生那得百年期。誰能苦惜纏頭錦。喚起嬌嬈舞柘枝。

老馬

郝經

百戰歸來力不任。消磨神駿老駸駸。垂頭自惜千金骨。伏櫪仍存萬里心。歲月淹延官路杳。風塵荏苒塞垣深。短歌聲斷銀壺缺。常記當年烈士吟。

落花

彩雲紅雨暗長門。翡翠枝餘萼綠痕。桃李春風蝴蝶夢。闌山明月杜鵑魂。玉關煙冷空千樹。金谷香消護一尊。狼籍滿庭君莫埽。且留春色到黃昏。

過沙溝店

王惲

高柳長途送客吟。暗驚時序變鳴禽。清風破暑連三日。好雨依時抵萬金。遠嶺抱枝圍野色。行雲隨馬弄輕陰。搖鞭喜入肥城界。桑柘陰濃麥浪深。

寄鄭信卿參政

程鉅夫

闕下相看未忍分。過門誰料不逢君。竟參華省江南去。定有新聲天上聞。夜靜每勞瞻紫氣。春深幾欲和停雲。豫章臺下南歸路。何日論心到夕曛。

題閣皂山

吳澄

漢吳仙跡兩峰齊。欲拾瑤華路恐迷。寶殿青紅疑地湧。林巒蒼翠接天低。九重香案分雲篆。八景琅函記玉題。仙鶴翔空清似水。步虛聲在采雲西。

立春日賞紅梅之作

元 淮

昨夜東風轉斗杓。陌頭楊柳雪纔消。曉來一樹如繁杏。開向孤邨隔小橋。應是化工嫌粉瘦。故將顏色助花嬌。青枝綠葉何須辨。萬卉叢中奪錦標。

和姚子敬秋懷

趙孟頫

搔首風塵雙短髮。側身天地一儒冠。中原人物思王猛。江左功名媿謝安。首蓿秋高戎馬健。江湖日短白鷗寒。金尊綠酒無錢共。安得愁中却暫歡。

聞擣衣

露下碧梧秋滿天。砧聲不斷思絲絲。北來風俗猶存古。南渡衣冠不及前。首蓿總肥宛騷裏。琵琶曾泣漢嬋娟。人間俯仰成今古。何待他時思惘然。

岳鄂王墓

鄂王墓上草離離。秋日荒涼石獸危。南渡君臣輕社稷。中原父老望旌旗。英雄已死嗟何及。天下中分遂不支。莫向西湖歌此曲。水光山色不勝悲。

溪上

溪上東風吹柳花。溪頭春水淨無沙。白鷗自信無機事。多鳥猶知有歲華。錦纜牙樁非昨夢。鳳笙龍管是誰家。令人苦憶東陵子。擬問田園學種瓜。

次韻信仲晚興

蕭蕭殘照晚當樓。寒葉疎雲亂客愁。歲月蹉跎星北指。乾坤浩蕩水東流。古來人物皆黃土。少日心情在一邱。獨立無言風滿袖。青山相對共悠悠。

次韻王時觀

相思吳越動經年。一見情深重惘然。草木變衰人易老。江湖牢落鴈難前。秦山半出青天上。禹穴遙臨古道邊。欲說舊遊渾似夢。何時重上剡溪船。

錢唐懷古

東南都會帝王州。三月鶯花非舊遊。故國金人泣辭漢。當年玉馬去朝周。湖山靡靡今猶在。江水悠悠只自流。千古興亡盡如此。春風麥秀使人愁。

紀舊遊

二月江南鶯亂飛。百花滿樹柳依依。落紅無數迷歌扇。嫩綠多情妬舞衣。金鴨焚香川上暝。畫船撸鼓月中歸。如今寂寞東風裏。把酒無言對夕暉。

見章得一詩因次其韻

水色清連日。色黃梨花淡。白柳花香。即看時節。催人。事更覺春愁惱。客腸無酒難供。陶令飲。從人皆笑。酈生狂。城南風暖。游人少。自在晴絲百尺長。

次韻端文和鮮于伯幾所寄詩

畫舸西湖到處遊。別來飛夢到杭州。百年底用憂千歲。一日相思似幾秋。苦憶東南多勝事。空吟西北有高樓。只今賴有劉公幹。時寫新詩解客愁。

張虛靖園菴扁曰歸鶴次韻

袁桷

招仙遊館構亭亭。萬疊松寒曉日青。玉局講殘春換劫。石臺丹在草通靈。紅羊赤馬悲滄海。白虎蒼龍儼大庭。為愛子喬笙鶴美。月涼時許夜深聽。

寄史允叟

故國王孫佩碧蘭。春雲涼月倚朱闌。玉簫曲趁鶯聲轉。金鼎香隨蝶夢殘。碧沚波清堪把釣。黃塵風急倦彈冠。外家文采惟君在。笑我冰髭跨曉鞍。

奉和奧屯都事秋懷

馬祖常

靈河七夕巧雲稠。墜露聲清夜得秋。月冷桂花飄左界。山寒荔子落東甌。人憐紉綳裁衣袂。誰信蒲葵翦扇頭。竹影近窗砧杵急。夢隨南客問行舟。

追和許渾遊溪夜回韻

溪水連雲過竹間。溪聲雲影半潺湲。鶴來近屋童看熟。鷺下長松客對閒。每待月痕侵石隴。還期煙色認柴關。人生豈獨官為貴。好向君王乞越山。

龍虎臺應制

龍虎臺高秋意多。翠華來日似鸞坡。天將山海為城塹。人倚雲霞作綺羅。周穆故慚黃竹賦。漢高空奏大風歌。西京巡省非行幸。要使蒼生樂至和。

黃州道中

張養浩

濯足常思萬里流。幾年塵迹意悠悠。閑雲一片不成雨。黃葉滿城都是秋。落日斷鴻天外路。西風長笛水邊樓。夢迴已悟人間世。猶向邯鄲話舊遊。

舟次湖口

虞集

江沙如雪水無聲。舟倚蒹葭鴈不驚。霜氣隔篷纔數尺。斗杓拂地已三更。拋書枕畔憐兒子。看劍燈前慨友生。尚有乘桴無限意。催人搖櫓轉江城。

送袁伯長扈從上京

日色蒼涼映紫袍。時巡冊乃聖躬勞。天連閣道留晨輦。星散周廬夜屬櫟。白馬錦韉來窈窕。紫駝銀瓮出葡萄。從官車騎多如雨。祇有揚雄賦最高。

城東觀杏花

明日東城看杏花。丁寧兒子早將車。路從丹鳳樓前過。酒向金魚館裏賒。綠水滿溝生杜若。暖雲將雨少塵沙。絕勝羊傅襄陽道。歸騎西風擁鼓笳。

宗陽宮望月分韻得聲字

楊載

老君臺上涼如水。坐看冰輪轉二更。大地山河微有影。九天風露寂無聲。蛟龍並起承金榜。鸞鳳雙飛載玉笙。不信弱流三萬里。此身今夕到蓬瀛。

題沈君湖山春曉圖詩卷

迤邐沙隄接畫橋。東風楊柳暗長條。鶯隨玉笛聲偏巧。馬受金羈氣益驕。舞榭歌臺臨道路。佛宮仙館入雲霄。西湖春色年年好。底事詩翁嘆寂寥。

贈孫思順

天涯相遇兩相知。對榻清談玉屑霏。芳草謾隨愁共長。青春不與客同歸。薰風池館蛙聲老。落日簾櫳燕子飛。南浦他年重到日。湖山應識謝公暉。

題黃隱居秋江釣月圖

范梈

舊識先生隱者流。偶因圖畫想滄洲。斷雲滿路碧宵晚。明月何年青嶂秋。世故風塵雙短屐。生涯天地一扁舟。何由白石空磯畔。招得人間萬戶侯。

夢武昌

揭傒斯

黃鶴樓前鸚鵡洲。夢中渾似昔時遊。蒼山斜入三湘路。落日平鋪七澤流。鼓角沈雄搖動地。帆檣高下亂維舟。故人雖在多分散。獨向南池看白鷗。

送詹尊師歸廬山

香爐峰色紫生煙。一入京華路杳然。雲碓秋闌春藥水。雨犁春臥種芝田。書憑海鶴來時寄。劍自潭蛟去後懸。忽報歸期驚倦客。獨淹微祿負中年。

開元宮

黃潛

誰使藏舟一夕移。紅樓翠幙未全非。曾聞帝子乘鸞去。疑有仙人化鶴歸。煙逕月明瑤草歇。石壇露冷碧桃稀。赤欄橋畔多時立。閒看楊花作雪飛。

獨立

數盡飛花一愴然。壯心迢遞夕陽邊。十年人事空流水。二月風光已杜鵑。過眼青春寧復得。汗人黃土絕堪憐。故園尚有平生約。可使蒼苔到石田。

即事

南陌東阡草色齊。悵悵門巷客來稀。受風燕子輕相逐。著雨楊花溼更飛。綠樹無言春又盡。紅塵如霧手頻揮。浮生莽莽吾何計。獨立看雲竟落暉。

夏日漫書

枕上初殘柏子香。鳥聲簾外已斜陽。碧山過雨晴逾好。綠樹無風晚自涼。芳歲背人成荏苒。好詩和夢落蒼茫。羊求何不來三徑。門掩殘書滿石牀。

龍潭山

二月清江照眼明。避風舟楫滿汀。斷雲挾雨。時時黑。密葉藏花。樹樹青。習隱未成。陶令賦。行歌聊共屈原醒。碧潭光景無消息。坐看兒魚點翠萍。

次韻魯參政觀潮

柳貫

怒潮卷雪過樟亭。人立西風酒旆青。日轂行天淪左界。地機激水出東溟。倒排山嶽窮千變。闔闢雲雷竦百靈。望海樓頭追勝賞。坐中賓客弁如星。

次伯長待制韻送王繼學修撰馬伯庸應奉扈從上京

山圍黑谷翠漫漫。獨許詞臣息馬看。蹕道雲開朝采正。蹄林風定雪花乾。賦成特賜麒麟罰。宴出初擎碼碯盤。歲歲八州人望幸。鈞陳旗尾認朱竿。

次韻伯庸待制上京寓直書事因以為寄

舉頭涼影動明河。問訊仙人八月槎。斗下孤光懸太白。雲間長御挾纖阿。霓裳催按新聲遍。鳳詔需承曲宴多。一代詞華歸篆刻。龍文還欲映琬戈。松巖新裁似鶴翎。手中雲影落深青。宮花忽動紅千帳。禁柳齊分綠半櫺。金掌擎秋調玉屑。銅渾窺夜約銀釘。不知太史朝來奏。東壁光聯第幾星。烏桓落日稍沉西。南極青山女堞低。馬谷夏泉經雨漲。龍堆秋草拂雲齊。一角祠檢

將升玉萬里。九封不用泥。倬直夜涼談往事。乘車猶欲避雞栖。

送張明德使君赴南恩州

幾許炎州畫。裏山西風驅向馬。前看詩人舊志三刀喜。邊候新乘一障安。時取椰漿斟玉液。饒將桂蠹薦雕盤。雪花定比常年大。燕寢香凝夜氣寒。

贈劉雲江宗師

薩都刺

羽人推轉阿香車。童子穿松拾翠華。天上賜衣霑雨露。山中詩錦織雲霞。瑤臺紫氣秋橫劍。石室丹光夜走砂。擬借茅君三白鶴。乘風騎到玉皇家。

三衢馬太守昂夫索題爛柯山石橋

洞口龍眠紫氣多。登臨聊和采芝歌。爛柯仙子何年去。鞭石仙人此地過。烏鵲橫空秋有影。銀河垂地水無波。遙知題柱凌雲客。天近應聞織女梭。

臺山懷古

越王故國四圍山。雲氣猶屯虎豹關。銅獸暗隨秋露泣。海鴉多背夕陽還。一時人物風塵外。千古英雄草莽間。日莫鷓鴣啼更急。荒臺叢竹雨斑斑。

過廣陵驛

秋風江上芙蓉老。階下數枝黃菊鮮。落葉正飛揚子渡。行人又上廣陵船。寒砧萬戶

月如水。老雁一聲霜滿天。自笑樓遲淮海客。十年心事一燈前。

次韻登凌歊臺

山勢如龍去復迴。開雲野望護重臺。離宮夜有月高下。輦路日無人往來。春色不隨亡國盡。野花只作舊時開。斷碑衰草荒煙裏。風雨年年上綠苔。

次友人春別

宋无

波流雲散碧天空。魚鴈沉沉信不通。楊柳黃昏晚西月。梨花明白夜東風。秋千庭院人初下。春半園林酒正中。背倚闌干思往事。畫樓魂夢可曾同。

和維揚友人

陳旅

揚子江頭水拍天。人家種柳住江邊。吳娃盪槳潮生浦。楚客吹簫月滿船。錦纜憶曾遊此地。瓊花開不似當年。竹西池館多紅藥。日夜題詩舞袖前。

送宜黃劉縣尹

寶劍妝成即遠遊。郎心何似妾心憂。茜裙香濕芙蓉雨。翠袖涼生薜荔秋。江北長愁寧滯酒。周南多病莫登樓。海門潮落江瑤美。能把千金買越舟。

聽松軒為丹邱杜高士作

張翥

長松千樹擁前榮。虛籟還從樹底鳴。一片海濤雲杪墜。幾番山雨月中生。茶香夜煮

苓泉活。琴思秋翻鶴帳清。安得南華老仙伯。相隨軒上說風聲。

憶吳興

憶汎茗華溪上船。故人為我重流連。半山塢寺藏雲樹。繞郭樓臺住水天。白榜載歌明月裏。青帘沽酒畫橋邊。計籌山下先塋在。欲往澆松定幾年。

憶維揚

蜀江東畔竹西樓。十五年前爛漫遊。豈意繁華今劫火。空懷歌吹古揚州。親朋未報何人在。戰伐寧知幾日休。惟有滿襟狼藉淚。何時歸灑大江流。

秦淮晚眺

赤欄橋下暮潮空。遠火疎舂晚靄中。星月半天分落照。斷雲千里附歸風。嚴城鼓角秋聲早。故國山川王氣終。莫訝時來一長望。越吟荆賦思無窮。

郡城晚望覽臨武臺故基

全。晉。山。川。氣。象。開。滿。城。煙。樹。擁。樓。臺。土。風。舊。有。堯。時。俗。人。物。今。無。楚。國。材。千。嶂。晚。雲。原。上。合。兩。河。秋。色。鴈。邊。來。昔。時。勝。賞。空。陳。迹。落。日。登。臨。畫。角。哀。

送壽宏殿應奉赴興國路經歷

貢師泰

院門深鎖落松花。東接蓬萊小海斜。絳蠟夜深催視草。紫泥春蚤聽宣麻。鳳凰池上